

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u skladu sa članom 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03 i 65/13), Vlada Kantona Sarajevo, na 26. sjednici održanoj 20.06.2019. godine, donijela je

RJEŠENJE

I

Edib Hamzić, imenuje se za direktora Uprave za šumarstvo u Ministarstvu privrede Kantona Sarajevo, na kraći period najviše tri mjeseca.

II

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-24575-36/19
20. juna 2019. godine
Sarajevo

Premijer
Edin Forto, s. r.

Ministarstvo unutrašnjih poslova

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16) i člana 25. Pravilnika o uslovima, načinu osposobljavanja, organizovanju i polaganju ispita i vozačkoj

dozvoli za vozača tramvaja ("Službene novine Kantona Sarajevo", br. 43/18), ministar Ministarstva unutrašnjih poslova Kantona Sarajevo donosi

ODLUKU O NAKNADI ZA IZDAVANJE OBRASCA VOZAČKE DOZVOLE ZA VOZAČA TRAMVAJA

I

Visina naknade za izdavanje obrasca vozačke dozvole za vozača tramvaja utvrđuje se u iznosu od: 30,00 KM (trideset konvertibilnih maraka).

II

Naknadu iz tačke I ove Odluke snosi lice na čiji zahtjev se izdaje obrazac vozačke dozvole za vozača tramvaja.

III

Lice iz prethodne tačke ove Odluke, naknadu iz tačke I ove Odluke, uplaćuje na: Depozitni račun za javne prihode Kantona Sarajevo, broj 1411965320008475, vrsta prihoda: 722429, budžetska organizacija: 1701001, općina: 077.

IV

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-14-3-1538/19
10. juna 2019. godine
Sarajevo

Ministar
Admir Katica, s. r.

OPĆINA STARI GRAD SARAJEVO

Općinski načelnik

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 35. stav 2. alineja 2. i 69. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinski načelnik Općine Stari Grad Sarajevo, donosi

ODLUKU

O IZMJENAMA I DOPUNAMA ODLUKE O ORGANIZACIJI SLUŽBI OPĆINE STARI GRAD SARAJEVO

Član 1.

U Odluci o organizaciji službi Općine Stari Grad Sarajevo ("Službene novine Kantona Sarajevo", br. 49/18 i 7/19), član 3. mijenja se i glasi:

... "Općinske službe za upravu su:

1. Služba za urbanizam;
2. Služba za imovinsko-pravne, geodetske poslove i katastar i stambene poslove,
3. Služba za investicije i komunalne poslove;
4. Služba za privredu;
5. Služba za finansije;
6. Služba za obrazovanje, kulturu i sport;
7. Služba za lokalni razvoj i poslove mjesnih zajednica;
8. Služba civilne zaštite;
9. Služba za opću upravu;
10. Služba za inspekcijske poslove;
11. Služba za boračko-invalidsku i socijalnu zaštitu;
12. Služba za odnose s javnošću i informacioni sistem".

Član 2.

Član 9. mijenja se tako da glasi:

.... "Služba za obrazovanje, kulturu i sport vrši sljedeće poslove:

- provodi i obezbjeđuje izvršavanje zakona i drugih propisa u oblastima za koje je osnovana;
- priprema prijedloge općinskih propisa iz oblasti obrazovanja, kulture i sporta za Općinskog načelnika i Općinsko vijeće;
- neposredno saraduje sa drugim općinskim službama za upravu, posebnim službama i sektorima, te vrši potrebnu

komunikaciju sa Pravobranilaštvom Općine Stari Grad Sarajevo, i u situacijama kada se određeni postupci pokreću na inicijativu neke od općinskih službi, putem Pravobranilaštva Općine kao pravnog zastupnika, sva komunikacija (uključujući i prikupljanje neophodne dokumentacije) se obavlja neposredno između službe koja je inicirala postupak i nadležne službe;

- predlaže i provodi utvrđenu politiku i stvara uslove za razvoj djelatnosti iz oblasti brige za djecu, osnovnog obrazovanja i odgoja, kulture i sporta;
- ostvaruje saradnju sa ustanovama, organizacijama, udruženjima i tijelima koja se bave pitanjima obrazovanja, kulture i sporta;
- posjećuje radne seminare, okrugle stolove i radionice posvećene pitanjima iz oblasti za koje je nadležna, te učestvuje u zajedničkim projektima;
- učestvuje u pripremi i realizaciji obilježavanja Dana Općine;
- obavlja poslove obrade zahtjeva stranaka upućene Općinskom načelniku, te upućuje odgovore i obavijesti po podnesenim zahtjevima;
- provodi i unapređuje proceduru saradnje sa nevladinim organizacijama i organizacijama civilnog društva;
- prati javne pozive iz domena obrazovanja, kulture i sporta, te podnosi aplikacije za dodjelu sredstava;
- planira i provodi projekte sa domaćim i ino partnerima i organizacijama iz domena obrazovanja, kulture i sporta u interesu razvoja lokalne zajednice;
- pokreće procedure za realizaciju sredstava utvrđenih budžetom Općine za projekte iz nadležnosti službe;
- prati promjene zakonske regulative iz oblasti obrazovanja, kulture i sporta, te predlaže mjere za unapređenje regulatornog okvira u cilju stvaranja povoljnijeg poslovnog okruženja;
- obavlja i druge poslove iz oblasti za koju je osnovana"...

Član 3.

Iza člana 9. dodaje se član 10. koji glasi:

... "Služba za lokalni razvoj i poslove mjesnih zajednica vrši sljedeće poslove: